

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINSKI SUD U SARAJEVU
Broj: 65 0 St 1041201 23 St
Sarajevo, 05.11.2024. godine

Općinski sud u Sarajevu, stečajni sudija Sedina Duraković, u stečajnom postupku nad licem UNIS TOURS d.d. Sarajevo, ulica Ferhadija br. 16, Sarajevo, dana 05.11.2024. godine, donio je:

RJEŠENJE

- I. POKREĆE SE PRETHODNI STEČAJNI POSTUPAK radi utvrđivanja uslova za otvaranje stečajnog postupka nad imovinom privrednog društva UNIS TOURS d.d. Sarajevo, ulica Ferhadija br. 16, Sarajevo.
- II. Za privremenog stečajnog upravnika imenuje se Lejla Smailbegović iz Sarajeva, ul. Gradačacka broj 15.
- III. Privremeni stečajni upravnik dužan je odmah po prijemu rješenja o imenovanju preduzeti radnje utvrđene odredbom člana 63. Zakona o stečaju, a naročito:
 - obezbijediti imovinu dužnika i starati se o istoj,
 - ima ovlašćenja da uđe u poslovne prostorije dužnik i provede neophodne radnje,
 - utvrditi da li postoji razlog za otvaranje stečajnog postupka,
 - ispitati da li će imovina stečajnog dužnika pokriti troškove stečajnog postupka,
 - utvrditi da li se poslovanje stečajnog dužnika može u cjelini ili djelimično nastaviti u toku prethodnog postupka i uraditi kontrolu poslovanja stečajnog dužnika,
 - kada je podnosilac prijedloga za otvaranje stečajnog postupka stečajni dužnik, dostaviti izjašnjenje da li je stečajni dužnik, odnosno organ ovlašten za zastupanje stečajnog dužnika podnio prijedlog za otvaranje stečajnog postupka u roku od 60 dana od dana nastupanja platežne nesposobnosti.
- IV. Privremeni stečajni upravnik dužan je podnijeti svoj pismeni izvještaj ovom sudu u roku od 30 dana od dana donošenja ovog rješenja u kome će izvijestiti ovaj sud o preduzetim radnjama i iznijeti svoje stručno mišljenje o tome da li postoje razlozi za otvaranje stečajnog postupka, odnosno da li postoje bilo kakvi izgledi za nastavak daljeg poslovanja dužnika.
- V. Mjere pojedinačnog prinudnog izvršenja pokrenute protiv stečajnog dužnika se obustavljaju, izlučna i razlučna prava povjerioci ne mogu ostvariti u prethodnom postupku, stečajni dužnik ne može raspolagati budućom stečajnom masom bez saglasnosti privremenog stečajnog upravnika i suda, a sve to u cilju osiguranja buduće stečajne mase.
- VI. Rješenje će biti objavljeno u „Službenim novinama FBiH“, web stranici Općinskog suda u Sarajevu i na Internet stranici FIA-e, i istaknuto na oglasnoj tabli ovog suda, te se pozivaju povjerioci da privremenom stečajnom upravniku bez odlaganja dostave prijedlog mjera osiguranja na predmetima stečajnog dužnika koje će eventualno zahtijevati.

VII. Ovo rješenje će se dostaviti Registru Općinskog suda u Sarajevu radi upisa zabilježbe prethodnog postupka u matičnom registarskom broju subjekta upisa broj MBS broj 65-02-0054-11 (stari broj 1-1029)

O b r a z l o ž e n j e

Stečajna upraviteljica Istratrans d.d. u stečaju, Vlasta Majstorović, koja je putem punomoćnika Vila Nermin, advokata iz Sarajeva, podnijela dana 03.07.2023. godine ovom sudu prijedlog za otvaranje stečajnog postupka nad privrednim društvom Unis tours d.d. Sarajevo, te izjavi da ima pravomoćnu presudu OS Pula koja je priznata Rješenjem Kantonalnog suda u Sarajevu broj 09 0 V 029009 17 V kojom je naložena isplata duga od strane društva Unis Tours d.d. Sarajevo, a koja presuda se nije mogla izvršiti iz razloga što je u toku izvršnog postupka utvrđeno da dužnik Unis Tours nema sredstava na računima, kao i da duži vremenski period nema nikakvih priliva sredstava ili transakcija, a da već postoji određen broj povjerilaca koji su prije predlagatelja u redu za naplatu, te je slijedom navedenog smatrano da su ostvareni uvjeti za podnošenje prijedloga za pokretanje stečajnog postupka obzirom da je očigledno da je dužnik platežno nesposoban u dužem vremenskom periodu.

Na ročištu za saslušanje stečajnog dužnika održanog dana 09.10.2024. godine, punomoćnik predlagatelja je izjavio da u cijelosti ostaje kod prijedloga za otvaranje stečajnog postupka nad imovinom društva UNIS TOURS d.d. Sarajevo, ulica Ferhadija br. 16, Sarajevo.

Stečajni sudija nakon što je utvrdio da je prijedlog za pokretanje stečajnog postupka podnesen od strane ovlaštenog predlagača u smislu odredbe člana 58. stav 1. i 2. Zakona o stečaju i da je isti dopušten, dana 09.10.2024. godine, naložio je predlagaču da uplati novčana sredstva na ime predujma finansiranja troškova prethodnog postupka radi utvrđivanja uslova otvaranja stečajnog postupka.

Predlagač je dana 23.10.2024. godine dostavio sudu dokaz o uplati predujmljenih sredstava za finansiranje prethodnog postupka u iznosu od 5.000,00 KM.

Na osnovu priložene dokumentacije i saslušanja predlagača, te zakonskog zastupnika stečajnog dužnika, sud nije u mogućnosti da sam procijeni postojanje svih neophodnih uslova koje Zakon predviđa za otvaranje stečajnog postupka, te se donosi rješenje o pokretanju prethodnog stečajnog postupka radi utvrđivanja uslova za otvaranje stečajnog postupka nad dužnikom, temeljem odredbe člana 61. stav 1. Zakona o stečaju („Službene novine F BiH“, broj 53/2021).

Odluka iz stava 3. ovog rješenja donesena je na osnovu odredbe člana 63. Zakona o stečaju, a nakon što je utvrđeno da privremeni stečajni upravnik ispunjava uslove za imenovanje utvrđene odredbom člana 71. Zakona o stečaju.

Na osnovu navedenog, temeljem citiranih odredbi zakona, odlučeno je kao u izreci rješenja.

STEČAJNI SUDIJA
Sedina Duraković

Pouka o pravnom lijeku: Protiv ovog rješenja nije dozvoljena žalba.

ZAPRIMLJENO

07. 11. 2024

ADVOKATSKA KANCELARIJA
NERMIN VILA